

雞峯普濟方卷第十三

馮翊賈兼重校定

治熱

丹毒千金論曰丹毒一名天火肉中忽有赤如丹塗之色大者如手掌甚者徧身有癢有腫無定色有白丹者肉中腫起癢而復痛微虛腫如吹狀隱疼起也有雞冠丹者赤色而起大者如連錢小者如麻豆狀肉上粟起如雞冠肌理也一名茱萸丹有水丹者由徧躰熱起遇水濕搏結丹晃晃黃赤色如有水在皮中喜著股及陰處此雖小疾不治令人至死治之皆用此升麻膏

升麻膏兼治風熱上攻頭面及項背腫赤等

升麻

白斂

漏蘆

連翹

芒消

黃芩

各貳兩

蛇銜

枳實

各叁兩

葫蘆

肆兩

梔子

肆拾個

右微搗之水三升浸半日以猪膏五升煎令水氣盡去
滓膏成膏傳諸丹日三及熱瘡腫上

七疝散治疝氣

茴香

川練子

每個鑽壹竅子

解鹽

桃仁

麩

各壹兩

斑猫

肆拾玖個

右同炒桃仁熟取出放冷去班猫并麩為末每服一錢
空心溫酒調下

平肺元治上焦有熱微寒外乘客滯肺經寒熱相交上搶

咽隔成咳嗽不已或邪氣留連日久積動經絡或有惡物

或膏滿氣促或飲食進退或寒熱不常及治咳嗽氣嗽躁
嗽喉中呀齁不得睡卧宜服

真桑白皮

去赤皮剉半寸清水米泔浸
拾伍日漉出焙令乾貳兩

貝母

防已

甘草

杏仁

去皮尖燂人者麩
炒赤別研各壹兩

右為細末水煮麵糊和元如梧桐子大每服三十元食
後臨卧生薑湯或橘皮湯下

地黄元治心熱太過三焦不順夜卧不寐退熱安神

生地黄

壹兩

人參

白芍藥

當歸

各半兩

甘草

壹分

右為細末煉蜜和元如彈子大臨卧濃煎淡竹葉湯嚼

下一元常服養榮衛用人參湯下

棋煎除風熱之疾

棋汁升

白蜜貳合

生薑汁壹合

右重湯煮棋汁三升入鹽酥再煎三沸下薑汁蜜等再熬合得所下不津器中貯之每服一合和酒調服大**理百種風疾**

芍藥黃耆湯療陰不足則陽偏陽偏則發熱若熱從背起或從手足漸々遍身口舌乾燥思欲引水時々躁悶此由陰氣虧少少水不能滅盛火蓋諸陽起四末循行於背陰不能斂陽所以發熱或晝發而夜寧或夜發而至旦即清其脉虛疾而小宜服此

白芍藥

兩叁

黃耆

甘草

青蒿

各壹兩

右為鹿末每服五錢水二盞煎至一盞去滓溫服不以時

參橘元

療熱從腹起上循胷腋繞頸額初似溫、漸至大

熱發作無時遇飢愈劇中脘不利善食而瘦面色蒼肌肉不澤口唇乾燥此由脾氣素弱曾於他病差後候投熱藥入於脾、熱則消穀引食善消肌肉其脉濡弱而疾治之

黃橘皮

兩叁

麥門冬

人參

各壹兩

右為細末煉蜜為元如桐子大米飲下三十元

大建中湯

療熱自腹中或從背脊漸、蒸熱日晡則劇至

夜漸退或寐而汗出小便或赤或白而濁甚則頻數尿精

夜夢鬼交日漸羸瘦此由思慮太過心氣耗弱陽氣流散精神不収及陰無所使治屬虛勞

白芍藥

陸兩

黃耆

遠志

當歸

澤瀉

龍骨

人參

甘草

各貳兩

右為麤末每服五錢水二盞生薑五片棗一個擘膠少許煎至一盞去滓溫服食前

論及方

若自腰已上發熱極則汗出出已涼移時如故復加昏冒腹中膨滿其氣上攻時時欬嗽引脇下牽痛睡中驚悸其脉弦急帶疾此由外寒搏客內冷相合寒則氣収而水液聚而不行內化成飲醫以熱藥攻寒寒未已而復增客

熱陰寒內閉拒陽於外而不得入逼陽上行發而爲熱散而爲汗
汗多亡陽心氣內虛故令驚悸治屬飲家溫而利之宜與石元
若熱起骨間煩疼手足時微冷旦起躰涼日晚即發背
脊牽急或骨節凸起足膝酸弱此由邪熱加陰畜留骨髓
髓得熱則稀髓稀則骨中空虛陽入於陰虛則水少脂
液乾枯熱蒸骨軟而凸其脉沉細治屬骨蒸宜蘆根湯補
髓元

蘆根湯

蘆根

麥門冬

赤茯苓

芍藥

各壹兩

地骨皮

貳兩

右爲麤末每服五升水二盞煎至一盞去滓溫服食後

補髓元

生乾地黄

兩_三

乾漆

半兩

右為細末煉蜜和元如菰豆大米飲下三十元空心臨卧服

若自胃已上至頭發熱口鼻氣塞時如煙薰目澁咽燥口乾唾如凝脂時效毛竦大便不利小便赤黃此由肺氣不調邪熱乘客上焦不降其脉疾大先與桔梗湯熱不退與五味子湯

桔梗湯

桔梗

兩_壹

人參

麥門冬

甘草

兩_{各半}

小麥

合_壹

右呖咀水三升煎至一升去滓分三服

五味湯

柴胡

肆兩

半夏

壹兩 壹分

黃芩

赤茯苓

五味子

各壹兩 半

右爲麤末每服五錢水二盞生薑三片棗一枚煎至一盞去滓溫服食後

柴胡芒硝湯

治旦熱不休日晡尤甚口中勃勃氣出耳无

所聞或時昏睡即浪言意欲喜冷小便赤色大便不通此由三陽氣盛外蘊經絡內畜腑臟或因他病誤服熱藥而致其脉洪數病久者短疾

柴胡

肆兩

黃芩

甘草

赤茯苓

各壹兩 半

半夏壹兩

右爲麤末每服五錢水二盞生薑三片棗一箇煎至一盞去滓入芒硝一錢攪勻溫服以利爲度

橘皮甘草湯療若身大熱背微惡寒心中煩悶時欲嘔

渴不能飲頭目昏痛惡見日光遇涼稍清起居如故此由飲食失宜胃中空虛熱留胃口其脉虛大而數謂之中暑

橘皮兩

生薑兩

甘草壹兩

右咬咀水三升煎至一半去滓分三服不以時

白虎桂枝湯治間日發熱昏昏多睡熱過則清快至其發

時還復如故每發必數次頭痛身躰拘倦此由肺素有熱氣盛於身厥逆上衝中氣寔而不外泄其氣內藏於心外

舍於分肉之間令人消燥肌肉其脉弦大而數謂之疸瘡

石膏

壹斤

知母

陸兩

甘草

桂

各三兩

右為鹿末每服五錢水二盞粳米三十粒煎一盞去滓溫服非時

澤瀉湯治身熱汗出煩滿不為汗解此由太陽之經先受風邪與熱相搏腎氣上行風與熱搏則為汗腎氣厥則煩滿謂之風厥

澤瀉

半兩

白朮

防風

各三兩

石膏

赤茯苓

各壹兩

右為鹿末每服五錢水二盞煎至一盞去滓溫服

兔絲子煎治四肢發熱逢風如炙如火此由陰虛陽盛諸

陽起於四末少水不能滅盛火而陽獨治於外宜服此

兔絲子

五味子

各壹兩

生乾地黄

叁兩

右為細末米飲調下二錢食前

空心平補元子

治發熱不解五心煩熱不得睡發渴喫湯

飲初先頭痛壯熱

生乾地黄

黃耆

白茯苓

楮實子

枸杞

山藥

槐實

沉香

澤瀉

白蒺藜

等分

右為細末每服二錢水一盞煎至七分和滓溫服非時

又方非時飲子

人參

黃耆

赤茯苓

白朮

麥門冬

白扁豆

茯苓

甘草

各等分

右為細末每服二錢水一盞煎至七分去滓溫服非時

大便秘

枇杷菜散 適適陰陽和養脾胃兼治食飲易傷腹脇痞滿

口乾多渴常欲飲冷四肢倦怠大便秘不利

人參

枇杷菜

去毛以棗汁炙令黃

白朮

陳皮

前胡

藿香葉

白茯苓

各半兩

桔梗

甘草

各壹分

白豆蔻

半夏麴

各半兩

右為細末每服二錢水一盞入生姜三片棗一枚同煎

至六分去滓食前溫服

宣雍亮 治大便秘滯有三一者三焦五臟不和熱氣小偏

入腸胃二者風客三焦氣弱傳道不利三者腎虛水少
腸乾澀皆令大便秘滯並宜服

麻子仁

郁李仁

去皮各貳兩
並研為膏

陳橘皮

羌活

川芎

木香

各壹兩

檳榔

貳箇

右同為細末与麻子仁郁李仁膏同研煉蜜和元如梧
子大每服二三十元熟水下不以時

四順飲子 治大便不通面目身熱口舌生瘡上焦冒悶時
欲得冷此三陽氣壅熱併大腸其脉洪大

大黃

赤芍藥

甘草

當歸

等分

右為鹿末每服五錢水一盞半煎至一盞溫服利為度

麻仁元 治氣虛秘滯

麻仁

去皮研
五兩

枳實

去穢麩
炒肆兩

杏仁芍藥

大黃

各肆兩

製厚朴

貳兩

右為細末煉蜜和元如梧桐子大每服三十元熟水下不以時

神功元

疎解秘滯及風氣下流腰膝疼痛

麻仁

伍兩

大黃

叁兩

訶子

貳兩

人參

半兩

右為細末煉蜜和元如梧子大每服三十元熟水下不

以時不知加之以疎為度

小當歸元

治虛人秘澁潤養腸胃

當歸

叁分

桂

貳分

歲靈仙茸

壹兩

右為細末水煮麵糊為元如梧子大每服二三十元空

心生薑湯下不以時

紫蘇元

治有虛熱秘滯

紫蘇子

黃橘皮 各貳兩

知母 壹兩

右為細末生薑自然汁浸過一宿許於重湯上煮熬成膏可元即元如梧子蜜湯下二十元

歲靈仙元 若年高之人津液枯燥無以潤養腸間乾澀氣

血俱衰艱於運化其脉燥大宜此歲靈仙元紫蘇麻人粥

黃耆 壹兩蜜炙切

歲靈仙 去土洗半兩

枳實 壹兩

右為細末煉蜜和元如梧子大生薑湯下二十元又將紫蘇子麻仁研水取汁煮粥甚佳

備急元 治大便秘

大黃

乾薑

巴豆 等分

右為細末蜜和元如豌豆大米飲下一元羸人服一元

菴豆大以大便利為度

朱砂

治大便秘結

硃砂

辰州尤佳

巴豆

饒

水銀

壹皂大

右同用水熬一宿去巴豆水銀將砂細研蜜和成膏置心上立効

大橘皮元

治大便秘

厚朴

橘皮

各叁兩

杏仁

伍兩

右為細末煉蜜和元如梧子大每服五七十元不以時米飲下

赤小豆散

治大便秘

赤小豆

浸令牙出日乾陸兩

當歸

叁兩